



TARASCOUN.

GRANDO REVUO D'UNO PICHOTO VILLO,

SATYRO EN TRES PAOUSOS,

J. Desanat.

Avignon - 1847.

TARASCOUN.

Sommaire:

Au pays natal. — Introduction. — Le sous-préfet Paris. — Incuries des anciennes autorités. — Vieilles récriminations. — Malaise croissant. — Plaintes publiques. — Un rayon d'espérance. — Le doute justifié. — Le poète. — Pénible situation. — L'industrie paralysée. — La Mairie provisoire. — Revenus communaux. — Les fonds mal employés. — Agrandissement de la place du Marché. — Réparation de l'église Sainte-Marthe. — Une bonne autorité. — Dépérissement général. — Infâme dégradation du château du roi René. — Construction d'un abattoir public. — Vallabrègue.

*Et je dois prévenir les lecteurs délicats
Que je vais leur donner de la satire crüe,
Car j'écris sur la borne et je peins dans la rue.
BARTHELEMY, Revue de Marseille.*

I

TARASCOUN, à regrèt, te pinte en ridicule;
Es tout bèn decida: veui foou pus que recule.
Maougra que chasque ououssèou idoulatre soun nis,
Vooou faire assaoupre, hélas! qu'as pres un laid vernis.
Mai tranquiliso-te, caou amo bèn castigo.
S'ai arma meis dos mans d'une escoubo d'ourtigo,
N'es que per sooupiqua, coumo se lou vesies,
Leis marris citouyens que t'an mes coumo sies!
Per signala l'abus an créa la satyro;
Lou vèrs es coumproumes d'ouou moumen que bestiro.
Quand lou maou es tan vièi, de counsideratioun
Dèou pas mai n'en avé que de mouderatioun.
Vole de toun jargas faire un riche habyage
Et de teis vièis jouyèous destaquaa l'aliage.
Cèrque à te revieouda dins un jour, se poudieou:
Mai per ye parveni foudrie la man de Dieou!
Or, coumo moun escrit, d'après touto aparènço,
Pooou gaire despassa lou Rhôse et la Durènço,
Que n'en lacharai pas à tout paoure venèn,
Entre gèns d'ouou pays en secrèt resounèn;
Oou risquo que la rimo aques co se rebale,
En famyo laven tout lou vièi linge sale.

Vaqui trento-tres an, dalo deis grands revèrs,
Que noste paoure endret camino de travèrs,
Sènso que de soun maou posquoun vèire lou tèrme.
Despièi moussou Paris, sous-prefèt juste et ferme,
Chasque Maire nouvèou que nous es survengu,
Deis plèintos doou public s'es pas gaire esmougu;
Metè-lèis dins un sac, saran touti leis mume.
Foou qu'à pourta lou bast lou pople s'acoustume!
Leis impòs de l'octroi fan que crèisse, embelli;
Touti leis ans n'yen a lou men un qu'espeli.
Per gounfla lou budgèt jamai soun esta rosso.
La despènso inutilo es trente co trop grosso...
Leis cris reproubatours fan gaire soun chagrin;
Lèissoun gemi, rena, pièi van toujour soun trin;
Mai arrivo un moumen que lou vaso desbordo!
Aquèou que tiro trop pooou fai peta la cordo!
Quan lou pastre es malaou, l'ave se n'en ressèn.
La rumour deis inquiets s'en vai toujou creissèn;
A la loun gour doou tèm la nèspo s'amaduro!
Oou desbasta de l'ai se vèi la macaduro!

D'un taou relâchamen foou pièi n'en vèire un bout;
Leis caouso an proun marcha, me sèmblo, de rebout.
Lou char Tarascounen se chirouno et cressino;
Doou malayse public foou caupa la racino;
Pèr lou gari saben que sara pas tout un!
Un fèrme Magistrat diran qu'es impourtun,
Se mes dins seis fountiouns uno ardour rigourouso;
Mai la situatioun devèn bèn pus afrouso,
Se de seis enemis redouto la clamour;
La majouro partido es de marrido eimour.
Aquelo lâcheta coumplesènto que blèssou
Eis yeus de forço gèns passo per de feblèssou;
Per voule minagea la cabro et lou cooulet,
Arrivo pièi un jour que se trovoun soulet.

Contro un mouloun d'abus su caou Tarascoun crido,
 Es tèm, vo jamai noun, que ressarroun la brido.
 A defaou, l'abandoun reprendra mai lou van,
 Et veiren tout marcha pu maou qu'ouparavan.
 Anfin, hurousamen, lou brouyar se dissipo,
 Et leis bons partisans doou REI LOUIS-PHILIPPO
 Coumençoun d'aganta poude, forço et vigour;
 Lou rèsto arrivara plan plan, senso rigour.
 Lou deputa que vèn d'ave noste sufrage,
 N'en sian persuada, coumpletara l'ououvrage;
 Graco à èou, lou peys entrevèi l'aveni,
 Counèi nosteri besouns, nous sooura sousteni.
 De fourma caouque espoir l'on pou se lou permettre
 Deis louyaous magistrats que vènoun de nous metre.
 Veiren sourti leis noums d'un escrutin legaou,
 A la satisfacioun generalo. Es egaou,
 Se d'ameliouratioun n'an pas l'envege sobro,
 A parti d'aquèou jour podoun se metre à l'obro,
 Car seis vièis devanciers n'yen an pas maou taya;
 Qu'agigoun franchamen et sèns bataya.
 Et pamen crigne bèn, (la pou me lou fai dire),
 Maougra seis intentiouns, qu'ïço devèngue pire,
 Qu'alentour doou toupin leis veiren mai rouda:
 L'aiguo frejo fai pou eis chins tant escoouda.

Aven que trop marcha coumo leis escrevisses;
 Es l'houro d'extirpa leis inounbrables vices
 Que tènoun Tarascoun, malaou, tout escrasa!
 Per nen vèire la fin ouran de que susa!
 Aquo se viro pas tan vite qu'uno troucho.
 Se nen vènoun à bout, fan mai que meste Moucho!
 Es plen de counfianço et dins un loyaou but,
 Es pèr estimula sa marchò et soun debut,
 Que vole signala, dins ma grandò revisto,
 Ce que chascun vèi clar et sèns porto-visto.
 Taou qu'a lou quieou payous sabe que fumara!
 Aquo m'es bèn egaou, dira ce que vourra.
 N'es pas lou proumier co que ma bouyènte vervo,
 Dins l'interès coumun, rimo sèns resèro:
 Dessus un pu grand thiatre, oou mitan d'estrangier
 N'ai jamai recula, meme oou fort d'ou dangier!
 Dins moun peys nataou se m'impose uno taquo,
 Redoutarai pas mai la héno que l'attaquo;
 Ourai d'assentimen..... se pode pas n'ave,
 Me restara l'hounour d'ave fa moun deve!

Despièi quasi veu mes que flane en sens invèrso,
 Oouservatour counstant dins la mendro travèrso,
 Meis regards curious an toujou proumena
 Mounte lou pur hazard à vougu leis mena.
 De qu'es qu'ai vis, grand Dieou! que d'abus pitouyable!
 En ye refléchissèn, veui, me sèmble incrouyable
 Qu'ouou siècle deis progrès, aro que tout flouri
 Un peys bèn pouosa s'aouse leissa mourir,
 Et que trento-tres ans, graço à seis fountiounari,
 Segue resta manchot, panard, estatiounari,
 Quan d'intrigan vesins qu'aoutrifes n'èroun rèn,
 Brioun à nosteri frès et gagnoun de terrèn.
 Oh! se la poustitioun doou peys nes pus haouto

Deven n'atribua l'impardounablo faouto
Qu'a l'egoïsme fred deis afamas bourges
Bon qu'a vèndre seis blads; d'aoutro ambitiou, n'an ges!
Oou lio de surpassa forço villo vesinos,
An de longo entrava proujèt, fabriquo, usinos.
Sayen esta facha qu'un manufacturier
Changèsse per de draps soun cadis roturier.
S'an toujou recèrqua d'èstre dins la mairio,
Ero pèr entrava leis arts et l'industrio,
Et faire oupousitioun eis homes generous,
Vo bèn leis signala coumo homes dangirous,
Senso faire atentioun que lou siècle marchavo,
Que la generatioun nouvèllo leis couchavo,
La fourquo dins leis rèns, aqueli vièi moussu,
Que la resoun un jour yé passaye dessu!
Après proun de tracas, de penos, d'abrivados,
La regeneratioun es enfin arrivado!
Lou fio ses destapa soulet doou racayeou.
Homes qu'avè proumes de taya dins lou vieou,
Que sia digne en tout pouin de dirija leis rèns,
Sounja que Tarascoun espèro seis estrenos;
Maougra que lou trouves, triste, desespera,
Sabe qu'a d'ambitioun, que cèrquo à prouspera;
Secounda soun espoir, ooures de sympatio.
Une administratioun qu'es pas de pacoutio
Pou faire forço bèn sènso dire: à deman,
Surtout quan lou poudet ye mes tout din leis man.

Oh! fouu courba lou front, atapa soun visage,
En soungèn que s'es fa lou pu michant usage
Deis deniers coumunaous, quasi touti leis ans,
Sans cèssò, ouu detrimen deis paouris artisans!
Et lou budget groussit, la ficèlo s'estiro!....
Cènt-trente-millo francs que la villo retiro,
Chasquo annado, durrien se vèire en caouquo part,
Hormi que d'escoundoun caouqun fague sa part!....
Mai noun, supousen pas, maougra la caloumnio,
Eis ancièns gouvernans uno talo avanio....
Cresen pu lèou, cresen qu'un argènt foui s'envai
En parpèlo d'agaço, en absurde travai;
Que coume un burre fres la calour lou fai foundre;
Pamen, ce que se vèi, aro, pouu pu s'escoundre.
D'ave vis gaspya tan salamen leis founds,
Leis mecountentamens soun devengu proufounds;
Se lou reproche es dur, l'acusatioun es claro.
Forço oouvrage proumes, leis esperen encaro;
La Plaço es trop pichoto, et sia de noste avis:
Pourtan per l'agrandi drèissoun ges de devis.
Gardaren-ti longtèm uno talo bicoquo?
D'ouu paoure Tarascoun l'aveni nous pretoquo....
Vaqui déjà longtèm que durria remarqua
Qu'ouuyan mai que besoun d'un impourtan marca;
Se l'avian lèou, veiria, dous jours de la semana,
Toumba dins nosto villo uno aboundanto mano;
Vingt Coumuno à la fes demandayen pas mai
D'adurre soun tribut, et ratayen jamai;
Nen toumbaye de porcs, de voulayo, de fedo!!
L'octroi rapourtaye lou double de mounedo.
Fouu que voutes de founds, fouu faire à l'improutu
D'emprunts, et que veguen, pièi, lou martèou testu

Demouli touto l'ilo en façade la Mairio;
Sènso aquo nosto plaço es uno vrè paouryo.

La glèiso Santo-Martho et seis anciens toumbèous
Mounamen venera, toumboun prèsque en lambèous;
Se vous avisa pas, n'ouures pus que de rouinos;
Leis vouto an de fendasso, et coumo soun pas jouinos,
Ai pouu que caouque jour la carguo d'ouo clouchier,
Escrasèn la charpanto, adugue lou planchier,
Et chapoute à moucèous de précieux images....
Es tèm que prevengues de terribles dooumages;
Se vosteis devanciers jamai l'an ooutengu,
Lou saben clar et net, es que l'an pas vougu,
Car lou governamen es rare quan tastegeo
D'encouragea leis arts; leis amo et leis proutegeo;
Lou provo trop souvèn en de peys ingrats.
Meté-vous lèou à l'obro, intègres magistrats;
Agissè franchamen foro de la sournierio;
Tira-nous, tira-nous de la fangouso ournierio
Mounte nous an leissa vosteis predecessours;
La villo a grand besoun de myeous desfensours....
Hurous l'home public quand dignamen s'aquito!
Es pa que noun saches qu'eici tout perequito,
Aoubre, esclavage, cous, faubourgs, camins, chantier;
Pouden dire qu'aven toutaro rèn d'entier.
Despièi que Tarascoun es à sa dependènço,
Janvier touti leis ans, marquo uno decadènço.
Dya qu'an pres à cor d'estre lou bazilic
Deis embelissamens et doou bonhur public.
Tambèn, sian lou jouguet de tout lou vesinage!
N'avian qu'un bèou Castèou, diaman doou mouyen-age,
Fourmidable, soulide, eme rèn de doutous;
Vous demande, ya pas de que n'en estre hountous
D'ave vis demouli sa pus antiquo tourre
Qu'à cènt lèguos, lou men, et pu yeun fourrie courre,
Per trouva caouquorèn tan plen de majesta.
He bèn! l'an abatudo, et res n'a proutesta!!
Dins un tèm desastrous d'avuglè rouyalisme,
S'es coumes en plen jour aquèou grand vandalisme,
Sènso qu'un citoyèn, indigna spectatour,
Aplantèsse un moumen lou martèou destructour!
Coumo s'èro pas proun d'ave tounba leis Barri!....
O! y'aguèsse-ti pres un verinous catharri,
Eis laches counsillers que voutèroun aquo!
Que dise? avien reçù belèou su lou coco
Un fort co de soulèou; diferamen l'on pènso
Qu'ouo lio d'ouocasiouna la proufano despènso,
N'ouuryen pas mutila l'impousan mounamen
Qu'es de nosto Prouvènço un superbe ournamen,
Et qu'à noste peys ye douno un certèn crèdi.
Mai lou maou èro fa, l'iavie pus de remèdi.
Pu tard, oouyan prouva qu'aquo s'èro destruit;
Eme lou tèm, la ruso oouye pourta soun fruit;
Et forço counissurs, vouyageaire touristo,
En s'enanèn d'ici, n'ouuyen pas l'amo tristo
D'un sacrilège afroux, ignoble, revoultan,
Ooujourd'heui reprouva per lou mendre habitan.
Mai vouguèroun tapa, doou men tout nous l'assuro,
Em'un mouloun de pèiro uno infâmo blessuro.
Aparammen un jour qu'èroun touti sadou,

Voutèroun en trioumphe un sale Tuadou!
Coumo en de tali man lou bèou raramen gagno,
Cerquèroun d'ajusta magagno su magagno;
Coumo se dit, lou maou su maou n'es pas santa:
Executèroun lèou lou proujet presenta,
Sènso qu'un counsiller courageous arrestèsse
Un execrable plan, ni que res proutestèsse
Contro la decisioun d'un vote crapulous.
Desgoustanto unioun, mayage escandalous!
Lya l'habitatioun d'un illustre mounarquo,
Celèbre ami deis arts, et digne de remarquo,
Et que cherissie tan la gloiro emé passioun,
Oou tuadou public!! aquo fai coumpassioun!
Jamai ses vis coumetre un outrage analoguo;
Dins un siècle surtout que leis archèologuo
Bousquoun, oou prix de l'or, la raro antiquita!

Reproucharan en res semblablo iniquita.
Reflechissè yé bèn; lou mourbin se vei crèisse;
Foudra que tard vo tèm nous fagues disparèisse
Aquèou vilèn amas de quirouns Fountvierèns:
Nous à proun aficha coumo sots, ignourèns.
S'un jour desblaya pas l'impourtuno bastisso,
Leis bons Tarascounens se faran proun justico,
Et saran approuva deis homes competènts;
Cresè-lou, jusqu'alors y'aura de mecountènts.

A cènt mestres pu yeun, en coustegèn Jarneguo,
Se trovo un laid camin que meno à Valabreguo
Poulidé villageoun qu'es dependèn doou Gard....
Vaqui mai de trento ans que gito soun regard
Su noste chier peys, et fai tout soun poussible
Per èstre prouvençaou, et resten insensible
A sa voix qus nous prègo, à si pu grand besouns;
Fai saoupre en mème tèm qu'en touti leis sesouns
Sa pousitioun, pechaire! es duro et pu tenablo,
A prepaou d'uno routo afrouso, abouminablo.
Coumo de Tarascoun rèn poou lou separa,
Nous demando à grand cris de faire repara
Soun moudèste drayoou clafi de precipice,
E qu'i carreto veugeo es mume pas proupice;
Leis pietouns avisa ye passoun de cantèou,
Forço aoutre pus hardi descèndoun en batèou.
De tout ce qu'an besoun, fermier, proprietari,
Touti leis jours de l'an, soun nosti tributari;
Nous portoun de seis fruits la requisto primour;
Reflechissè ye bèn, soun de marido eimour!
Voste refus coumenço à lei proun f..... en caire!

Dejà parloun de mètre, en dessus de Bèoucaire,
Uno trayo proupiço eis coumunicatiouns;
Cresè-me, tardes pas, prenède precoutiouns;
Songea qu'es un faubourg à vingt minuto proche....
Mai deve signala de bèn pu grand reproche.

II

SOMMAIRE

L'Hôtel des Empereurs. — La montée du pont suspendu. — Le quai insummersible. — L'entrepreneur Jourdan. — Les inconvénients d'un mur du Cours. — L'ordure sur le Cours. — Les envois d'immondices. — Galop de chevaux sur la voie publique. — Courses des voitures dans les rues. — Les coups de fouet importuns. — L'averse et les gouttières. — Nivellement des maisons. — Percement d'une rue nouvelle. — Entretien des arbres. — Amélioration des promenades. — Assainissement des eaux de la petite Roubine. — Réforme du vieux paysage. — L'architecte Coulombeau. — L'abus du fumier en été. — L'infection derrière l'Hôpital. — La peste sur un boulevard. — Résidu des vers-à-soie pourris. — Puanteur des aqueducs. — L'absence des réverbères. — L'éclairage au gaz. — Monuments Tarasconais. — Bureaux administratifs. — Etablissements publics. — Chemin de fer.

S'ousave; ma metrieou dins d'excès de furours,
Quand passe vis-à-vis l'Hôtel deis Emperours;
N'es pas soun cousinié que soulèvo ma bilo,
Car Moounier, coumo un aoutre, a la cousino habilo;
Es d'avé toulera moussu Francé Poulin,
Lou jour que tirè trop l'aygo vèr soun moulin;
Es de y'ave leissa counstruire uno barriero,
En usurpén lou men dous tiers de la carriero;
L'hôtel qu'a fa basti borno lou Boulevard,
Oou lio de s'enfounça dins l'houstau Bèouregard;
Encaro un poou prenie la rampo insumersiblo:
Aquelo es piéi trop forto! es incoumprehansiblo!
Uno begudo ansi s'escarfara jamai!
S'ooumen avien leissa tres bon mèstres de mai,
Oouien pousqu, me sémblo, alargi lou passage,
Et crése qu'éro aquo lou parti lou pu sage;
Fasien de foundamens alors ben mens avan;
Leis tourres doou Castéou, en faço doou levan,
Se veyen forço mies, tout coumo Santo-Marthe.
Lou corp municipaou avie perdu la carto!
N'es pas lou premier co que fai lou massaquan:
En tout tém, Bassaquin a vougu Bassaquan.

A quatre pas pu yeun, se trovo dos mountados
Bonno per esquina leis bestios indountados;
A penno un limounie sort doou pont suspendu,
S'a pas lou jarret ferme, es desuito estendu,
Surtout de bon matin, quand la terro es bagnado,
Se toumbo pas doou men, pren uno sangagnado;
Leis carretiers prudéns ténoun proun lou courdéou,
Mai lou paoure animaou aclapa d'ouo fardéou,
Poou pus se reteni su la pénto rapido.
Lou chivaou lou pu dur, uno miolo intrepido,
Coumo deis Passerouns leis mioou robuste et forts,
Toumbaran aqueioula, se n'an ges de ranforts!

Maougra leis precoutiouns que lou dangier fai préndre,
Fan de reclamatiouns, mai res voou leis enténdre.
Fouu que l'outourita prengue su soun bounet,
(A parti vis-à-vis doou café Bigounet)
De faire uno avengudo eme de bonno gravos.
Lou roulage a besoun de pus trouva d'entravos,
D'aquesto houro surtout, qu'un hiver desastrous
A rendu leis camins impratiquable, afrous.

Aquest an, leis rouliers fan pas gaire seis fretos;
A trento pas d'aqui, n'en chaploun de carretos!
Eme seis limouniers barruloun à parréous;
Se véi jusquo versa d'enormes toumbaréous.
Lou countour de la routo a pas proun d'avengudo,
Et jamai dins l'hivér n'es ben entretengudo,
La murayo doou cous que fai tan rebouli,
Proche leis escaliers, se durrié demouli;
Espargnayen, lou soar, de rudos viro-passo
Oou pesible flanur que dins la nieu s'espasso;
Dins lou saou peryous toumboun pas su lou moui!
Un jour, lou viéi Cloouser s'abasimé lou coui;
Resté lou men dous mes ficela d'une bendo!

En caou foou qu'adreissén la justo reprimendo
D'ave vis eleva de queiras à mouloun,
Pèr faire un quai pu gros qu'un barri de Touloun,
En masquèn leis oustaous et seis portos d'intrados,
Et lou pu bèou co d'yeu deis vesinos countrados?
Y'avié millo mouyéns de se para d'un flèou,
Sènso atapa lou jour et meme lou soulèou,
Sènso faire un bas port gibous, tout de biscuire,
Que noun prenien moudèle en aquéou de Béoucaire;
Saye pas tant disforme, en bas tout coume en haou!
N'oouyen pas gaspya lou tresor coumunaou.
N'es pas l'entreprenour Jourdan que chascun blamo:
Se soou qu'es très capable, et contro èou rès reclamo,
Maougra que seis travais marchoun un poou trop plan;
La faouto es em aquèou que n'en dreissé lou plan,
Es eis municipaous que foou faire vergougno;
An fa que veiren pus de batèous de Bourgougno;
Deven à soun genio uno saloupayé,
Un Quai talamen laid qu'en lió n'ia soun payé!

Countugnen l'inspetioun à l'entour de la villo:
Nous vaqui su lou Cous, vèr l'oustaou de Previlo...
O! ya de que rougi, de que n'estre estouna
De vèire, tout lou jour, d'home desboutouna
Vilèn qu'escampoun d'aigo oou pé de seis murayos!
S'ousavoun, jusqu'en bas se desfayen les braios,
Sus uno proumenado! an gaire de pudour.
Tan bèn, dedin l'estieou, l'on respiro une ooudour,
Un parfum que segur sent pas la jouriflado!
Et chascun, en passèn, empougno sa niflado.
Se d'agènt dourmyous vouyen se revya,
Sènso peno pourrien leis un poou survya.

Veui, caou n'en fai lou mai crese qu'es lou pu brave.
Manquo pas de délits encaro Bén pu grave!
Couro aneantiran l'abus deis estoupins,
Obros de maoufatours, de quaouquis galoupins
Que s'apercevous pas, pér faire un co risible,
Qu'à la reputatioun d'ooou peys soun nuisible?
Durrien saoupre à la fin que seis jos tracassiers
Nous fan passa pèr trayte, inhumain et groussiérs.
De que voulé que pènse un estrangier qu'arrivo
Per véire nosti jos, quand l'estoupin l'abrivo,
Coumpousa de fumier, céndre, terryo, brén?
Oouyé-ti lou drap d'or dessus? respectoun rèn.
Dins leis coursos de bioous, taou que fai la soutiso

D'estoupina, se crèi d'ave fa vayantiso.
Leis gloutos fan valé l'esprit Tarascounen;
Se n'en mando de duro eis anéns et venén!
Et se dessus lou fét finissoun per li prèndre,
N'an jamai tort, car l'aoutre a d'argent à ye rèndre.
La civilisatioun a proun poussa de brouts,
Per pus vieoure en manans, en traite lougarous
Doun leis pattos souvèn adusoun lou tapage.

Fume pas maou tambén, quand vese un galoupage
De chivaous sènso frin, jouïne, leste, oumbrageous
S'empourta dins la villo, et meme su lou Cous;
Oou risquo d'estroupia taou qu'alor se proumèno,
Courroun mounté l'hazard vo lou chivaou leis mèno;
Quaou se permes aquo? de jouïnes fanfarouns
Que n'an jamai sachu se sérvî d'esperouns,
Qu'ouou méndre soubressaou an perdu l'équilibre.
Crese qu'un citouyen (caou que segue) es pas libre
De courre dins la villo et meme oou Boulevard,
Vo l'arresta qu'existo es un mentur bavard!
Or, d'uno punitioun lou coupable es passible;
La lèi pouu pas permettre, aquo n'es pas poussible,
Oou crano que voou faire un pouu trop d'embarras,
D'amaluga leis géns, d'esclapa cambo et bras!
L'amendo, en cas paye, déou pas éstre en arrièro.
Et pièi leis carretouns que trotoun per carrièro,
Attalage corsoas, barriotos, tilburi,
Duvoun ana qu'ouou pas, vo lia pu ges d'abri.
L'arresta qu'es precis, chascun dèou lou coumprendre,
Tampis per l'inprudèn que se lèisso sousprendre.

Aro, diguen un mot d'aqueli co de fouis
Lança sènso resoun pér de counductours fouis
Su d'animaous soumes que fan bèn soun oouvrage;
Et leis assooumayen, se n'avien lou courage!
Pamen, un taou delit pèr lou code es previs.
Se l'administratioun seguissie moun avis,
Aquèou que su sa bestio injustamen se facho,
Qu'eme sa lonjo en l'ér pouu laboura ma facho,
Per y'aprendre à counéisse un pouu mieou soun mestié,
Lou mandayeou chéz Blanc entèndre li ratié.

Pér un tèm pluviou, es alor que m'enrage!
Quand me trove souspres, oou pu gros d'un ourage,
Qu'une gorgo en furour embandi d'amoundaou
Un coumblot que m'inoundo à nivèou doou lindaou!
Et m'arrivo souvèn dins uno talo criso,
Que d'un loougier riflard lou tafata se briso;
Quan sayeou revesti d'un burnous de cadis
M'encourre à moun oustaou pire qu'un negadis,
Fourça de me changea deis pèds jusqu'à la tèsto,
Maoudissèn entre dénts la rayssou et la tempèsto.
Se lou Mairo en aquo vouyé s'un pouu presta,
N'ouuyé besoun qu'à rèndre un pichot arresta,
Fourça leis géns d'admettre uno modo recènto
Que counsisto à plaça de tuyéous de descènto,
D'en bas en jusqu'en haou, ras à ras doou couvèr;
Lèou, lèou, qu'ouubeïen; piéi, l'estieou vo l'hivér,
Quan lou nivo escupi d'eigagnos pas menudos,
Recassayan jamai la chavano à cournudos!

Existo un long travai d'alignamen nouvèou:
Et pamen d'oustaous noous prenoun ges de nivèou;
Leis bastissos se fan touteis à l'avanturo.
S'es bén delibera de faire une ouverturo
A l'oustaou de Sagnier, drè de Castéou-Gayard;
Aquèou proujet déjà s'entouro de brouyard;
Dins caouque tém d'ici, l'ouran perdu de visto,
Nega dins leis papiers d'ou savènt archivisto!!!
Et leis aoubres d'ou Cousins, l'estieou, buvoun-ti proun?
Veyan pus leis tres quarts agarri doou chiroun,
S'èroun entretengu de façoun counvenablo.
Et nosto proumenado? es bén pingre et minablo!
Durrian avé caouqu'un, tout l'an d'especiaou
Per aplani lou soou, enleva leis cayaou;
Tout chanjayé de pèou, lou Cousins et la planuro,
Leis viéis aoubres malaous prendrién myeou tournuro.

La pichoto Roubino oouyé besoun tambèn
D'estre anfin netejado; aquo faye grand bèn
Eis lavusos de linge, à tout lou blanchissage.
Se vesen acaba lou canaou d'arrousage,
Lou sale incounvenièn sara lèou courrigea
Rèn que m'un rigouloun que ye faran ragea.

Acaben jusqu'ou bout la kyrièlo enormo:
Couro deis viéis pavés nous faran la reformo?
Couro un noou caladage, ouu mendre traversoun,
Metra ras deis oustaous dos pénto à l'unissoun,
En fourmén un dodane en plaço deis rigolos
Enventado à pouu près, crese, doou tém deis Golos?

Couloumbaou, tu que sies un garçoun plen de gous,
Fai de rapports, courrijo un pavage fangous;
Per que d'un architècte as merita lou titre,
Deis embellissamens devène doun l'arbitre;
Supprimo brusquamen leis cayaous de rebuts;
Coumo en d'aoutre peys, que d'ouvrages boumbuts
Faguoun changea de pèou la carrièro deis Aouquos,
Mounte les payoussas, lou trangle, eme de baouquos
Et l'aiguo courroumpudo à vous douna l'esfrai
Mitounoun pér la terro un excellènt engrai.
Saben que de fumié n'en foou per la culturo;
Deven encouragea la santo agriculturo,
Richesso doou peys que paro à soun besoun;
Mai foou pas cependant engendra lou pouysoun;
Nous n'en fourrié pas tan pèr qu'une épidemio
Raflèsse en pouu de jour de robusto famio!
Oou lio de fai tuba lou fumié dins l'estieou,
Lou durrien empacha jusquo vèr san Mathieou;
Sayan purifia pèr leis fresquours d'outouno.
De meme un proumenaire eme rèsoun s'estouno,
Quan vai respira l'èr foro de soun oustaou,
Se s'espasso ouu camin qu'es darnier l'Espitaou,
Foou que soun moucadou tape lèou soun visage!
Hurous caou d'ouu tabac en poudre fai usage!
Ya de que toumba mort em'aqueli parfums
Pèsto que sort toujou de seis tres lio coumuns,
Et de cént traou de seuyo alimen de vérmينو!!

A peno avé passa lou pourtaou Coundamino,
Garo! l'oudour aqui vén pas deis joussemin!
L'on véi su quatre rén, eis ribos doou camin,
L'engrissage fuman ben empega d'ourduro;

Sémblo qu'ouo Boulevard l'an plaça per bourduro,
Afin de prévèni caouque grave dangier.
Durrien bén invita paysan et minagier
De pourta, quand fai caou, sa marchandiso salo
Darnier leis Capouchins, vo dins la Prouvençalo.

S'avian uno pouliço et d'agènt pas feynians,
Leissayen-ti groupi leis verme de magnans
Quieu dins uno bassino à vapour, l'avan-veuyo,
A rage doou souléou en dessus d'uno seuyo,
Oou passage public vesin d'un béou sejour,
Mounte fai bon flana, lou souar, coumo à miéiour?
Quaouquoren d'outan fort sufoquo ma pitrino,
Encaro mai pudén qu'uno oudour de latrino:
Avé déjà nouma leis infecte coundus
Priva d'escoulement et pas forse escoundus;
Crachoun lou choléra de seis gulos trop larjo;
N'es pas sènsò moutif que lou public desbarjo,
Davan aquéou vesin d'un habile couifur.
Fouu pas moun coumplimen oou manobro gafur
Qu'es caouse que tout l'an la pèste nous encènso;
Hurousamen Gambet eme seis pots d'essénço
Mitijo un souffle impur, un miasme alarmant,
Et formo pér hazard un countraste charmant!

Caouquoren aoutre oussi me douno la couliquo:
Es quan me trove pres dessu la vois publicquo,
A vounje houro de soar; tout es ouscurita;
Fouu que jogue à bachas, es uno vérita.
Leis principaus quartiers priva de seis lanternos,
Bèn avan miejo-nieu, se chanjoun en cavèrnos.....
Amossoun tout exprés, crese, leis mechirouns,
Pèr nous faire ensuqua su d'énormes quirouns!
Pièi dessouto leis arcs chooupinen de Cerbèros!
Pér pa lissa pati d'oli leis reverbèros,
Douna d'ordre précis à l'alumaire Allard;
Jusquo su lou matin se ye vira pu clar
Pouren camina dré, mai lou ciel fugue soubre.
Aquest'an deis fanaous fouu qu'oomentés lou noumbre;
Nen manquo à la Crous verdo, oou Cous, en d'aoutre endret,
Oou céntre de la villo, eis quicou-de-sac estret.....
A l'entour deis Casèrno, à la travèrso d'Arle.
Oh! quet afrous patouï! fernisse quan nen parle!
Seis paouris habitans y'arrivoun qu'a chivaou,
Vo ben enjusqu'ouo quieou caoussoun leis estivaou.
Messieus, en negligènt ansin noste esclavage,
Oou siècle deis lumieò escupissè l'outrage!!
Que dise? douna-nous oou pu vite lou gaz.
Sabé! d'aques moumen eme lou gros fangas
Qu'envispo lou pavé, nous sayé pas de rèsto!!
Arle n'es poussessour, et Bèoucaire s'aprèsto,
Sènsò mai bataya, de l'ave l'an que vén;
Me sèmblo qu'a nous aoutre un taou lume counvèn:
Sayé d'un grand secours dins forço circounstanço;
Aven dous tribunaous, l'un de proumiero instanço,

Coulége, magasins, un luxe respendu,
Grands cafés, grands hotels, cèrcles, pont suspendu,
Douje millo amo ouu mén, un long canaou en hérbo,
Uno glèiso gothiquo à la coupo supérbo,
Mounté leis counissur assageoun soun crayoun
Davan seis béous tabléous qu'a celebra Fayoun;
Aven dous Espitaous d'uno estendudo bèllo,
De tèrro qu'à prouduire an jamai vi rebèllo,
Diligènços, courriers qu'an chascun soun burèou.

D'elouquènts avocats, la crèmo doou barrèou,
Coulége electouraou, uno bibliothèquo,
Un enregistramen, un oustaou d'hipothèquo,
Mount-de-Pieta, casèrno uniuo en sa larjour,
D'après l'avis coumun de forço vouyajour,
D'uno soulidita que n'ya pas soun égalo,
Mounté noou-cént chivaous n'ouran pas la fringalo,
La Sallo d'espèctacle, un viaduc rail-wai....
Et ce qu'es lou pu bèou, sans cèssou de travai!

III

SOMMAIRE

Mauvais état de la salle de Spectacles. — Importunité des tambours, le premier jour de l'an. — La chasse aux puces. — Matières fécales jetées par les fenêtres. — Accaparement des répétiteurs. — Vente publique de mauvais porcs. — Débit de mauvais poissons. — Les marchandes des Halles. — Les décombres des maçons. — La grande voirie. — L'insuffisance de la police. — Augmentation de gardes champêtres. — La poste aux lettres. — Prospérité future. — Ecole publique. — L'éducation propagée. — Muséum. — Cabinet d'histoire. — Caisse d'épargne. — Besoin d'une crèche. — Nécessité d'un journal. — Voitures de louage. — Promesse d'une nouvelle satire. — Bonne espérance. — Appel aux bons citoyens. — La noblesse douteuse. — Les anciens conseillers. — Elections municipales. — Conclusion.

A l'oucasion doou thiatre ai couquorén à dire:
Chasquo fes que lou vese avoue que l'admire;
Pér la pouplatioun n'ia tan que foou, segur;
Fourrié, ma fé de dieou, èstre injuste et blagur
De critica sa formo. Es pas ieou que me lagne:
Mai lou mounde elegant es caouquo fes de plagne!
Taou que cinq houro entièro aqui se vai fourra,
Su de banc nus et crus en plancho rambourra,
Davan d'actours mesquin, foou qu'agué de courage!!
Piéi voloun que lou séxo un pou doou haout parage
Estatioune, asseta su de laids tro do bos,
Per s'ennuya, dourmi, martyrisa seis os?
Se voulé que leis géns ié vagoun, que res bouge,
Fasé garni l'entour em'un marrouquin rouge;
Leis séti? doubla-leis d'un moui cooussin de créen;
Fasé de logeo; et piéi manquera quasi réen;
Sa porto? durbé-la qu'en d'artistes passable;
Vo bén de l'abandoun n'en sarés respounsable;
Ooublides pas surtout lou partèrro qu'es dret,
Et marchares de pair emé forço aoutré endret.
Puisque leis musiciens de tout cousta parèissoun,
Que coumo un blad d'abreou leis sérénados créissoun,
Negliges pas lou thiatre, et pourren espera

De coumediéns fameux, et leis grands oupera!!

Meis recriminatiouns soun ieun d'estre acabados:
Aro toumben dessus l'usage deis oubados
D'ouo proumier jour de l'an; aquèlo tristo nieu,
Res pouu dire: Aï pluga la parpèllo de l'ieu.
Se vouian, lou matin que lou pouchoun se vègeo,
De nous destressouna ié levayan l'envègeo,
Et saien léou gari de soun vilén defaou;
L'argen que tirayen saié pas d'argén faou.
Quan seguesse un serpén, chinbalo vo trombono,
Ié dieou: Meis amis, vous la souhète bonno;
Bon jour, voulé d'argént? sieou ben facha, n'ai ges!

Et se fasien ansin, magistrats, gros bourges,
Retreta, proucurour, rentier, gèns de boutigos,
L'an que vèn, dins la nieu prendrien men de fatigos;
De seis tambours crassous espargnaïen leis pèous,
Et proudigaïen pus tant de cops de capèous.
Contro aqueleis abus lia pas d'aoutros manièros.

Durrien tambén desfèndre eis triusos de nièros
De pas tant espooussa sa vano et soun lançoou
Su leis passants; l'estieou empouisounoun lou soou!
Garo ouo maou avisa! s'a pas la cambo proumpto,
Sentira dins seis brayo un fourniguie que mounto...
Sénso l'ana cérqua, lou soir, n'ia que soun pres
Noun soulamen d'aquo, mai d'un gros passo-res!
Coumprene aquel abus dedin la rèi de vigno,
Oou mitan deis fumiers; mai qu'une fumo indigno,
L'instan que vous senté lou gous d'un pouu sourti,
Vous couife impunamen sènso vous averti!
Aquo pouu pas rintra dins ma boulo testardo.
Or, de nieu vo de jour, aquelo que s'hasardo
D'abriva d'amoundaou sa tasso d'escoundoun,
Déou trouva, dins la lèi, ni pieta ni pardoun!

Diguen un pichot mot eis finos repetieros,
Qu'ouo risquo d'afama millo famyo entieros,
Cèrquoun d'acapara, ieoume, ourtoulaiou, fruit;
Lou vice es pas nouvèou, et l'an jamai destruit;
S'avan l'aoubo, eis agué, bracavoun la pouliço,
Deis achats clandestin destruien la maliço.
Debitoun su la plaço ooussi de porcs malaous,
Refusas deis bouchiers, soounas dins leis enclaous;
Leis introun à l'outroa coumo viando espessado;
E piéi aquelo car à la vénto expousado
S'enlèvo bon marca; n'ia pas pér leis darniers;
Certéns ladre gloutouns nen gavoun seis carniers!
D'aoutre counsoumatours ignourèn, se y'éngusoun;
Per l'ave toulera, doou vice n'en abusoun....

Se surviavoun mai nosto pissounaïé,
Crese qu'empachaien forço capounaïé!
Lou pissoun que nous vén pér lou camin de férre,
Et que dessus la tésto uno fumo vai quérre,
Es lou rebut doou Gard! leis mugeo martegaou,
La sollo et leis merlans fres à vous faire gaou,
Nous n'arrivo pu ges; vén qu'un laid couquiège,
Ravaïos, chambarots, et soun pres ouo piège;

Leis rouado an lou fieou et fan tout paga chier.

Un aoutre incounveniën que dato pas de hier,
Es leis gros embarras deis marchan d'ourtoulaïos
De dessouto leis arcs; soun fruit et seis voulaïos,
Sa faianço, seis bancs, l'un su l'aoutre engeança,
Oucupoun tout lou large, et se pouu pus passa.
De meme leis maçouns quand mountoun de façados,
Seis quirados, sa caou, soun jamai ben plaçados;
Dins seis demoultiouns soun pas forço prudents;
Podoun oucasiouna de fachous accidents;
En rengén leis couverts, mandoun de bravi mouto!
Es rare qu'un ouvrier cride: Garo dessouto!
Ce que durrie tambén atira l'atentioun,
Es lou bos à brula que rèsto en estatioun,
Quatre houro de reloge, ouu davan d'uno porto.
Se disè caouquoren, lou carretie s'emporto;
Sénso quinquu lou mot foou rebroussa lou pas,
Hurous de pas gagna caouque cop d'esclapas!

Lou fèt se véi souvén en de carrièro estrecho.
Se l'administratioun tenie l'estevo drecho,
Veirian pas exploata tambén forço marchands
Pér d'afrounta bandits, mies qu'à través deis champs,
Leis voula caouqui fes, ouu proumie cris d'alarmos,
Sénso se mai gina, fan fountioun de géndarmos.
Lou fis einé d'Achard, et n'es pas lou soulet,
N'agantè, l'aoutre jour, un fort per lou coulet.
Dins la situatioun presénto, es necessari,
Pér éstre en sureta, d'ave dous coumissari;
Em'un paréou d'agean, jouine et pas negligents,
Delias, courageous et forço intelligents.
Dins certèn cas pressant, (souvén se n'en presénto),
Se véi que la pouliço es feblo, insufisénto,
Maougra la voulounta de Bounet et Fiermin;
Pér que tout marche mies, lia pas d'aoutre camin;
Alor pourran d'un vol destousqua leis coupables.
Foou que noumoun tambén de bon gardos capables,
Pres eis ancièns sooudarts, incorruptibles, durs;
Leis claous soun assiegea de fripouns maroudurs;
Leisgarbirouns, lou fun, et surtout la garanço,
Oou champ se leissaien eme mai d'assuranço;
Tant qu'aquéou persounel lou voudres pas groussi,
Fares que d'aiguo claro et la pouliço ooussi.
Per tro lesinegea, caouquo fes chier n'en costo!

Un aoutre abus existo eis lettros de la posto:
Nous li rëndoun trop tard, et pamen lou courrié,
Franc de caouque malhur, rèsto gaire en arrié;
Avan que lou fatour ague fa sa tournado,
Sian priva deis journaous un quart de la journado;
Foou qu'un distributour de mai, coumo ranfor,
Soulage un pouu Michèou; soulet n'es pas proun fort.

Bèn qu'aquesto revuo es longuo, duro et franquo,
N'ai pas cita dedin lou myeou que nous manquo,
Et que durrian ave coumo en de peys l'an;
S'avian agu per chefs d'homes pas tant moulan,
Dins touti li cartiers countaien uno escolo;
Y'ouie de prouffessours pèr la scienco agricolo;

Lou diminche ouu matin, un cours public gratis
 Aprendre la culturo, et crousa lou metis;
 Tarascoun jouïe d'un gabinet d'histroiro,
 D'un pouli Muséum, — et d'un Counservatoiro
 Per aquèou que doou chant a leis dispousitiouns.
 Leis Mairons n'an jamai fa de proupousitiouns
 Pèr douta lou peys d'uno moudesto Crècho!
 Sublimo institutioun que l'humanita prècho
 Dedin la Franço entièro, à vous nen rendre ému!
 Rén pouu leis boulega, soun toujou sourd et mù!
 L'escolo de musiquo aoutri fes èro en vogo,
 Mai la raièroun lèou dessus soun catalogo.
 Uno Caisso d'espargne es de nessecita;
 Pèr leis pays vesins durrian éstre excita;
 Faouto d'aquo, s'es vis de pèro de famyos
 Pèdre ouu joc, dins un jour, sièi mes d'economyos.
 Leis leiçouns doou dessèin an mai passa per ieu!
 A la PRESSO que pouu nous tira de la nieu,
 Ian counstamment cèrqua touto sorto d'engano;
 N'aven ges dé JOURNAOU; pas l'oumbro d'un ourgano
 Que nous signale un pouu sus un tro de papier!
 Cèrto, la pèiro ici toumbo gaire ouu clapier;
 S'un critique voou faire entèdre un fort lengage,
 Déou paga tant la ligno un courrie de lougagé;
 Et s'ouso censura lou corp municipaou,
 L'impassible gerant bifo lou principaou;
 Jugea se l'escrivan d'aquo se n'en regalo!
 Pér la publicita de l'annouço légallo,
 Veui foou qu'aguen recours eis journaous Arlatèns;
 Et piei soun estouna deis noumbrous mecountènts,
 Que plen d'indignatioun reclamoun la droituero!
 Aoutrifes, trovavian d'eleganto voituero;
 Eme cinq franc per jour iavie cabrioulét
 Calècho, tilbury, dins un luxe coumplét;
 Camu, Lagrangeo, Hilairo, èroun nosteis ressourços;
 Aro pouden l'iana! pér faire caouqui coursos,
 Trouven pas soulamen l'oumbro d'un omnibus!
 Quaou n'a ges de chivaous pouu marcha pedibus!

D'aoutre vices pu gros an poussa de long gèrmes,
 humiliants, ignoble, et pas piqua deis vérmes.....
 Mai, nien à proun per veui; pu tard escupirai
 Lou resto de moun féou, et piéi publierai
 D'aques vaste sujet ce que tène en resérvo,
 Que coumo un blan deis ieus, ma memoiro counsérvo;
 Et capounarai pas, quand y'ouuie de canouns!
 Aques cop noumarai leis homes pér seis noums.
 Bén que dins soun peys un sant fai pas miracle,
 Meis brulots prouvençaous tendran lio d'espetacle!
 Me sènte de mena lou vers tambour batan;
 Eiço sara belèou lou jour que riren tan!
 Mai despassarai pas, crese, aquesto prefaço.
 Tout me predit qu'eiço vai léou changea de faço.
 An desfa lou counséou segur bén à prepaou.....
 Citoyens, perdes pus un coupable repaou;
 Que leis troublo coumun segoun cour à l'abélo.

Prené la balo ouu bound, la partido es proun bélo,
 Per vengea Tarascoun et lou faire sourti
 Doou traou mounté la mes un avugle parti.

Em'un pouu de courage un revér se reparo;
Veici lou mes d'abreou, la lucho se preparo:
Segues soulide ouo posto, et redoubla d'efforts;
La chanço es pas doutouso, oui, sares leis pu forts!
L'estupide egoïsme ouo corp fre coumo glaço
A la capacita foou que cède la plaço;
Leis titres fan pas règlo, et lou toun insoulént
Foou que courbe lou front davan lou vré talént.
Escarta vivamen d'absurdos particulos;
Deis follos pretentiouns mesquino et ridiculos
Fasé proumto justico, et que leis moussu DE,
Per uno bono fes, fugigoun doou poude;
Car se yéroun grimpa pire que de langasto!!
Dèvoum véire deja que l'hourisoun se gasto,
Que seis blasouns moussi saran soufro doulour,
Qu'un louche pargamin veui n'a pus de valour.

Nen aven plen lou dos deis noubyouns enuquos!
Sian proun esta mena per aqueli perruquos!
Et vénoun à la carguo! et de toupé n'an proun
Per se mai presenta!..... Deforo, viéi larrouns!
A voste entour, saben lou pan que se ie douno
Ouo pople intelligent que veui vous abandouno;
Iavé proun rousiga lou vért coumo lou sé,
Leis ioous de vosteis mas n'an jamai dous roussé!
Pamen nen vourria mai, paréi, coste que coste:
Hebèn! vous prouvaran qu'avé counta sèn l'hoste;
Maougra l'activita deis chins couchants courtiers
Que batoun la semèlo en touti leis quartiers,
Pourres gaire esbranla leis counციenços soulidos!
Aquest an leis tres quarts gagnoun lei invalidos.

Tèm passa revén pus; lou souléou s'ennegri...
Coumo un cerf eis aboas gitoun soun darnie cri;
Leis progrès, de sa barquo an estrassa la vélo!!
Partisan devoua de noste èro nouvèlo,
Bravi Tarascounens plen de sincérita,
Qu'ouo found doou cor voulé nostro prousspérita,
Gèns de touto coulour, poussitiouns diferènto
Artisans, minagiés, moustra-vous sènso crènto,
Brava leis mecounstèns qu'empesoun lou gavèou,
Ouo corp municipaou douna d'home nouvèou,
Probe, capable, expèrt, counissur en afaire;
Leis aoutre, lou sabé, ni fan ni lèissoun faire;
Eroun dins lou counsèou coumo d'entravadis;
Entouna-ie l'absouto et lou De Profundis!
N'es que dins aquèou but que devè vous esmooure;
Se vous entendé bèn pourres que faire plooure.
Coumo devé nouma caouque brave douiéns,
Trya-léis coumo foou dins leis bons citouiéns.
Que d'aoutreis encrousta metoun pus d'escoubyos;
Nous soouren bèn passa de seis lourdos babyos.
Electours que dins l'urno ana mettre de voix,
Deis homes de progrès vous counfyen lou choix;
Lou jour doou grand combat segues durs coumo roquo;
Meté din un cantoun la caduquo desfroquo!
Qu'uno vasto reformo et sènso remissioun,
Prove qu'avé coumpres vosto bello missioun;
Et pér mies ensuqua lou mourbin que crènyo

Fourma-nous un counsèou que segue en harmounyo
Eme lou deputa qu'avé tan bèn choousi!

Leissa dins lou neant de fantomo goousi,
Qu'an reduit Tarascoun à l'état de cadabre
Esplumassa, meurtri, coumo lou coui d'un gabre!
Caou fai pas ce que déou ie vén ce que noun voou.

Disoun qu'escoubo novo a toujou fa bèou soou.
Aques co, lou prouvèrbe es d'uno bonno auguro,
Car avian grand besoun de changea de figuro.
S'a la fin lou guidoun anonço lou bon vèn,
Que l'administratioun prouvisoiro qu'avèn
Definitivamen se vegue prouclamado;
En marchan dret camin sara jamai blamado.
Avant que lou peys ague changea de pèou,
Touti saludaran l'esclat de soun drapèou.

Pousquessoun-ti longtèm guida per sa counsciènço,
Nous proudiva lou fruit de soun experiènço.
La vré capacita jamai resto en arrie,
Es ouu travai counstan que l'on counéi l'ouuvrie.
L'estofo manquo pas, Dieou merci! n'ia de rèsto!
Em'un bél aveni, coumo aquèou que s'aprèsto,
Pilotos coumpetèns, plen d'un zela transport,
Menaran sageamen nosto barquo à bon port.
Lou peys jouira d'un pu pouli bèn-estre...
Mai deven patienta; lou tem qu'és un grand mestre
Dissipara plan plan lou gros nivage espes.
Roumo, coumo se dit, s'es pas facho à la fes.
En esperèn lou jour qu'emplugaran sa voyo,
Bèn que leis resultat nous saran pas de gloyo,
Seguen ferme, prudènt, counfiant, circounspé.....
Lou maou vèn à chivaou et se retourno à pé!

FIN.

© CIEL d'Oc – Mars 2005